



01
307
PB-69

Bosnia and Herzegovina
Federation of Bosnia and Herzegovina
CANTON SARAJEVO
Ministry for Education

Broj: 11-34-04/01-5545-⁶⁷8/25
Sarajevo, 15.01.2025. godine

SKUPŠTINA KANTONA SARAJEVO

n/r Elvedin Okerić, predsjedavajući Skupštine Kantona Sarajevo

PREDMET: Odgovor na zastupničku inicijativu, *dostavlja se*

Cijenjeni,

Zastupnica u Skupštini Kantona Sarajevo Marijela Hašimbehović je na 19. radnoj sjednici Skupštine Kantona Sarajevo održanoj dana, 30.12.2024. godine u okviru tačke Dnevnog reda „Poslanička/zastupnička pitanja, inicijative i odgovori“, a u skladu sa članovima 211. i 214. Poslovnika skupštine Kantona postavila je zastupničku inicijativu iz priloga.

Odgovor:

Cijenjeni,

Koristimo se prilikom da Vas informišemo da je dana, 08.01.2025. godine, izdato Rješenje o ispunjenosti uvjeta za rad vrtića “Ljubičica” - JU “Djeca Sarajeva” Sarajevo, broj: 11-07/01-34-16252-9/24, te da je omogućen prijem djece po periodičnom upisnom roku u mjesecu januaru 2025. godine.

Vlada Kantona Sarajevo donijela je Zaključak, kojim se usvojio Program sufinansiranja boravka djece predškolske dobi u privatnim predškolskim ustanovama na području Kantona Sarajevo u školskoj 2024/25. godini. Navedenim Zaključkom Vlada Kantona Sarajevo je zadužila Ministarstvo za odgoj i obrazovanje Kantona Sarajevo da poduzme mjere i radnje iz svoje nadležnosti definisane Programom, a na osnovu čega je Ministarstvo donijelo Instrukciju o upisu djece u predškolske ustanove u školskoj 2024/25. godini, kojom je jasno propisan cjelokupni proces upisa djece u predškolske ustanove putem online platforme sistem EMIS-predškolsko.

Program, kao pronatalitetna politika Vlade Kantona Sarajevo, radi obuhvata što većeg broja djece predškolskim odgojem i obrazovanjem, usmjerena je na dobrobit djeteta i podizanje standarda porodice djeteta predškolskog uzrasta, a time posredno i na obezbjeđivanje prilike za zapošljavanje žene/majke djeteta. Program sufinansiranja boravka djece u privatnim predškolskim ustanovama obuhvata djecu od šest mjeseci do polaska u školu za Cjeloviti razvojni program, a što je definisano Zakonom. Upis djece u odgojne grupe u javnim i privatnim predškolskim ustanovama obavlja se u skladu sa uzrastom koji je definisan Pedagoškim standardima i normativima za djelatnost predškolskog odgoja i obrazovanja.



Adresa: Reisa Džemaludina Čauševića 1, 71 000 Sarajevo
Tel: + 387 (0) 33 562-128
Web: <http://mo.ks.gov.ba>, E-mail: mo@mo.ks.gov.ba

1/2

Privatne predškolske ustanove sa područja Kantona Sarajevo upisane u Registar kojeg vodi Ministarstvo za odgoj i obrazovanje Kantona Sarajevo, finansiraju se iz vlastitih izvora, a na osnovu čega se formiraju cijene boravka djece u istim.

Informišemo Vas da cijena boravka djeteta u vrtićima JU "Djeca Sarajeva" Sarajevo iznosi 160,00 KM mjesečno za cjelodnevni boravak, odnosno 120,00 KM za usluge poludnevnog boravka, te da se za iste ne vrši sufinansiranje. Sufinansiranje boravka djeteta u privatnim predškolskim ustanovama u iznosu 230,00 KM mjesečno za cjelodnevni boravak, odnosno 115,00 KM za usluge poludnevnog boravka se vrši isključivo u privatnim predškolskim ustanovama upisanim u Registar kojeg vodi Ministarstvo za odgoj i obrazovanje, a čije povećanje cijena za školsku 2024/25. godinu u odnosu na cijenu boravka djeteta u školskoj 2023/24. godinu, nije veće od povećanja predviđenog Programom.

Sufinansiranje boravka djece u privatnim predškolskim ustanovama vrši se na osnovu ugovora o sufinansiranju koji Ministarstvo potpiše sa privatnim predškolskim ustanovama upisanim u Registar predškolskih ustanova koje vodi Ministarstvo.

Ciljevi predškolskog odgoja i obrazovanja proizilaze iz općeprihvaćenih, univerzalnih vrijednosti za svako demokratsko društvo uvažavajući specifične nacionalne, historijske, kulturne i vjerske tradicije naroda i nacionalnih manjina koji žive u Kantonu Sarajevo. Zakonom o predškolskom odgoju i obrazovanju u Kantonu Sarajevo („Službene novine Kantona Sarajevo“, br. 26/08 i 21/09) propisano je da svako dijete ima jednako pravo pristupa i jednake mogućnosti učešća u odgovarajućem odgoju i obrazovanju, bez diskriminacije po bilo kojem osnovu.

Napominjemo da se sva prijavljena slobodna mjesta u sistemu EMIS-predškolsko prikazuju u skladu sa uzrastom djeteta i općinom prebivališta, te da roditelji imaju pravo izbora predškolske ustanove za svoje dijete, na osnovu čega se i vrši odabir.

Kako se teži značajnom povećanju obuhvata djece institucionalnim predškolskim odgojem i obrazovanjem, pogotovo povećanju učešća djece iz osjetljivih društvenih grupa, Ministarstvo za odgoj i obrazovanje Kantona Sarajevo radi na jačanju saradnje između javnog i privatnog sektora koji se bavi predškolskim odgojem i obrazovanjem, odnosno, svih predškolskih ustanova u Kantonu Sarajevo i između svih službi, aktera, organizacija i institucija koje rade sa djecom predškolskog uzrasta i porodicama. Ministarstvo je prepoznalo značaj i ulogu svih aktera u predškolskom odgoju i obrazovanju, kako u javnom tako i u privatnom sektoru, te sa njima jača dalju saradnju i radi na zajedničkim aktivnostima i projektima koji su od značaja za predškolski odgoj i obrazovanje.

S poštovanjem,

Dostaviti:

1. Naslovu;
2. Evidenciji;
3. a/a



Adresa: Reisa Džemaludina Čauševića 1, 71 000 Sarajevo

Tel: + 387 (0) 33 562-128

Web: <http://mo.ks.gov.ba>, E-mail: mo@mo.ks.gov.ba

2/2